

مجموعه ابو الضحی

ماسوا شایه سندن دلی قطره چالش
پرتو حکمت و عرفان ایله تنویره آالش

هر ماه عربی ابتدا سیله اون بشته نشر اولنور فنون مجموعه سیدر

جزو ۴۷ [فی غره جمادی الآخر سنه ۱۳۰۲] نسخه سی ۳ فروش

صره‌سنده مسكوكاته تحویل ایدلمشدر . چین خزینه‌سی بوتحویل صورتدن
بك جزؤی مستفید اولدینی حالدہ علم نقطه نظرندن چینلیر بك بیوك بر
ضرره اوغرامشدر .

مؤخرأ اثر مذكورك بر مختصری نشر اولمش ایسه‌ده اولكینك اهمیتی
احراز ایدمه‌امشدر .

ایشته بریتانیا موزده‌سی مذکور اثر مفصلك مكمل برطاقنی اله
سكیر مشدركه اوروپانك هج بر موزه‌سنده بوخزینه علومك مكملی گورولامشدر .
پارسك كتابخانه ملیسنده مجموعه مذكوره‌نك طوبی اوج درت
جزؤی موجوددر .

بو مجموعه‌نك ۵۰۰۰ جلددن عبارت بولندیغنی سولش ایدك .
فقط چینلیرك كتاب یارقارینك یالکز بر یوزینی طبع ایدرك دیگر یوزینی
بوش براقده اولدقلری ملاحظه اولنور ایسه اثر مذکور بزم آگلایه جغز
وجهله ۲۵۰۰۰۰ صحیفه‌ی شامل ۵۰۰۰ کتابدن و تعبیر آخرله ۲۵۰۰
جلددن عبارت بولندیغنی تعین ایدر .

۲۵۰۰ جلددن عبارت برکلیات وجوده گتیرمك ایسه انسانی حیرته
براقه‌جق موفقیات علمیه‌دندر .

فرانسزلرك بعض اقوال لطیفه‌سی

« بورجنی اوده‌ین زنگین اولور »

بو مثل فرانسه مشاهیر اصحاب قلمدن (مارتن ویل) ك یاننده
نه وقت یاد ایدیله‌جك اولسه مشارالیه « صاقین اعتماد ایتمكز! بوسوز داینلرك
مخصوصأ اشاعه ایتدكلری برارجوفه‌در » قولیه استظراف ایلر ایش .

ایکی قادین بینده کی دوستلق دکانلری یکدیگرینه قریب ایکی بقال
آره سنده کی دوستلغ عینی در . (آلفونس قار)

محکمه حضورنده بر مظلون

یگر می یگر می ایکی یاشنده بر دلی قانلی اونجی دفعه اوله رق بر قباح
ایله محکمه حضورینه چیقدیغنده رئیس محکمه مظلونه خطاباً « آی اوغل
سنی بو حاله کنیرن هپ سوء اختلاطدر . یازق دگلمی سکا؟ » دیدیگنده
دلی قانلی « نصل سوء اختلاط افدم ؟ بئم بش سنه دن بری حکام ایله
مأمورین ضابطه دن بشقه کیسه یله اختلاط ایتدیگمه مدعی عمومی افندی
دخی شهادت ایدر » دیمشدر .

مشهور پیرون برگون کبرادن برینک خانه سنه کیده رک صاحب خانه -
نک اوده اولوب اولمدیغنی سؤال ایلدیگنده خدمتکارلردن بری - بوراده در
اما گوروشه مزسکز چونکی خسته در - دیمه سیله پیرون « تحف به ! بن
کندیسیله دوگوتمک دکل قوشمغه گلدم . » دیمشدر .

اطفالی او یونجقله آوندقلری گبی رجال دخی بازیجه شهوت اولان
نسوان ایله اغفال اولنور .

زانیه بر قادین عقیم بروالده در .